

## পিএসসি চেয়ারম্যানের সঙ্গে মিটিং ১৪ ফেব্রুয়ারির মধ্যে কোটা বাতিলের দাবি শিক্ষার্থীদের

ইউনিভার্সিটি রিপোর্টার

আগামী ১৪ ফেব্রুয়ারির মধ্যে বিসিএসসহ সব সরকারি চাকরি থেকে কোটা প্রথা বাতিলের দাবি জানিয়েছে ঢাকা ইউনিভার্সিটির সাধারণ শিক্ষার্থীরা। এ লক্ষ্যে তারা গতকাল প্রেসিডেন্ট ও চিফ অ্যাডভাইজরের কাছে স্মারকলিপি দেয়া ছাড়াও পিএসসি চেয়ারম্যানের সঙ্গে দেখা করেছেন। এর আগে শিক্ষার্থীরা অপরাহ্নে বাংলার পাদদেশে সমাবেশ করেন। শিক্ষার্থীদের এ কর্মসূচির সঙ্গে সংহতি জানাতে আসেন ইউনিভার্সিটি গ্রান্টস কমিশনের সাবেক চেয়ারম্যান প্রফেসর আসাদুজ্জামান। এছাড়া বাণিজ্য অনুষদের ডিন প্রফেসর সিরাজুল ইসলাম, রষ্ট্রবিজ্ঞান বিভাগের শিক্ষক প্রফেসর আতাউর রহমান, প্রফেসর হারুন-  
পৃষ্ঠা ১৫ ক ৩



গতকাল কোটা পছতি বাতিলের দাবিতে ঢাকা ইউনিভার্সিটির ছাত্ররা পিএসসি ঘেরাও কর্মসূচি পালন করতে গেলে পুলিশ বাধা দেয়  
-যায়দি

### ১৪ ফেব্রুয়ারির মধ্যে

(শেষ পৃষ্ঠার পর)

অর-রশীদ, প্রফেসর তাজমেরী এস এ ইসলাম প্রমুখ সংহতি জানিয়েছেন। প্রফেসর আসাদুজ্জামান বলেন, ন্যায় ভিত্তিক সমাজ গঠনের লক্ষ্যে সিভিল সার্ভিসসহ সব জায়গায় মেধার ভিত্তিতে নিয়োগ দেয়া উচিত।

সমাবেশ শেষে শিক্ষার্থীরা মিছিল নিয়ে পিএসসি ঘেরাও করতে গেলে পুলিশ শাহবাগ মোড়ে বাধা দেয়। পরে পুলিশ আন্দোলনকারীদের পক্ষ থেকে পাচজনকে পিএসসি অফিসে নিয়ে যায়। পিএসসি চেয়ারম্যান এ বিষয়ে ছাত্রদের সঙ্গে কথা বলেন। তিনি বলেন, সংবিধানের কোথাও কোটা প্রথার উল্লেখ নেই। আমিও এটি সংস্কারের পক্ষে। এদিকে মুক্তিযুদ্ধের প্রজন্ম নামে একটি সংগঠন প্রেস কনফারেন্স করে কোটা প্রথা বহাল রাখার দাবি জানায়।